



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU DEMOKRATSKE STRANKE BOSNE I HERCEGOVINE

Broj: 03-07-6-457/20
Sarajevo, 23.03.2021. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Demokratske stranke Bosne i Hercegovine za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2019. godinu, utvrđeno je da je Demokratska stranka Bosne i Hercegovine prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Demokratske stranke Bosne i Hercegovine za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokratska stranka Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	4.000,00	100,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	4.000,00	100,00
II	Ostali prihodi i drugo	0,00	0,00
	Izvori finansiranja (I+II)	4.000,00	100,00

U godišnjem finansijskom izvještaju za 2019. godinu Demokratska stranka Bosne i Hercegovine iskazala je rashode u iznosu od 260,00 KM.

2. PREDSTAVLJANJE POLITIČKE STRANKE

Naziv političke stranke je Demokratska stranka Bosne i Hercegovine. Skraćeni naziv stranke je DSBiH.

Demokratska stranka Bosne i Hercegovine registrovana je kod Općinskog suda u Sarajevu, rješenjem broj: 065-0-F1-18-000006 od 30.04.2018. godine.

Sjedište političke stranke je u Sarajevu, ulica Mula Mustafe Bašeskije 3.

Lice ovlašteno za zastupanje stranke je Hajrudin Mulić, predsjednik stranke.

Lice ovlašteno za podnošenje finansijskih izvještaja za 2019. godinu je Hajrudin Mulić.

Prema podacima iz godišnjeg finansijskog izvještaja za 2019. godinu, organizacionu strukturu Demokratske stranke Bosne i Hercegovine čini:

- Centrala stranke.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Demokratske stranke Bosne i Hercegovine za 2019. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Demokratske stranke Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Nakon izvršenog pregleda godišnjeg finansijskog izvještaja za 2018. godinu, Služba za reviziju je izdala izvještaj o pregledu sa mišljenjem revizora, nalazima revizije i preporukama stranci da vodi evidencije o priložima, da poslovne knjige vodi u skladu sa računovodstvenim propisima, odnosno da vodi pravilne i potpune evidencije o приходima, rashodima i obavezama, da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom propisanim rokovima i popunjava u skladu sa Pravilnikom o godišnjim finansijskim izvještajima političkih stranaka, te da postupa u skladu sa podzakonskim aktima koje donosi Centralna izborna komisija Bosne i Hercegovine.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da politička stranka nije ispoštovala sve preporuke revizije.

5. NALAZI I PREPORUKE

5.1. NALAZI

Demokratska stranka Bosne i Hercegovine prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne dokumentacije, utvrđeno je da Demokratska stranka Bosne i Hercegovine nije uspostavila potpune evidencije o rashodima i obavezama, godišnji finansijski izvještaj za 2019. godinu nije podnijela u zakonom propisanom roku i nije obrasce godišnjeg finansijskog izvještaja popunila u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Na obrascu 2 (pregled prometa svih transakcijskih računa političke stranke) godišnjeg finansijskog izvještaja stranka nije iskazala transakcijski račun broj: 1413065320160419 kod Bosna Bank International d.d. Sarajevo.

Prema podacima iz Izvještaja o računima poslovnog subjekta¹, Demokratska stranka Bosne i Hercegovine kod Bosna Bank International d.d. Sarajevo ima aktivan transakcijski račun broj: 1413065320160419 koji je otvoren 24.05. 2018. godine. Stranka je dostavila Potvrdu Bosna Bank International d.d. Sarajevo od 29.09.2020. godine u kojoj je navedeno da na pomenutom transakcijskom računu nije bilo prometa tokom 2019. godine.

S obzirom da nije u obrascu 2. finansijskog izvještaja iskazala sve račune, prekršila je odredbe člana 11. Pravilnika.

¹ Obrazac PS P3 Izvještaj Centralne banke BiH o računima poslovnog subjekta od 28.08.2020. godine.

- (2) Stranka je na obrascu 2.1 (Pregled stanja blagajne) finansijskog izvještaja iskazala sljedeće podatke: početno stanje u iznosu od 260,05 KM, promet ulaza u iznosu od 4.000,00 KM, promet izlaza u iznosu od 260,05 KM i saldo na dan 31.12.2019. godine u iznosu od 4.000,00 KM.

Uvidom u poslovne knjige i izvode sa transakcijskog računa, utvrđeno je da stranka nije ostvarila promet putem blagajne, odnosno da je podatke o ostvarenom prometu putem transakcijskog računa iskazala u obrascu 2.1 kao promet blagajne, čime je prekršila odredbe člana 12. Pravilnika.

- (3) Politička stranka u poslovnim knjigama nije uspostavila potpune evidencije o rashodima i obavezama i nije pravilno iskazala rashode i obaveze na obrascima 4. (rashodi političke stranke), 4.1 (režijsko-administrativni i ostali troškovi) i 5 (obaveze) godišnjeg finansijskog izvještaja, čime je prekršila odredbe člana 21, 22. i 24. Pravilnika.

- Demokratska stranka Bosne i Hercegovine nije popunila obrazac 4.1 u skladu sa odredbama člana 22. Pravilnika.

Stranka je u obrascu 4.1 sve ostvarene troškove iskazala kao troškove usluga u ukupnom iznosu od 260,00 KM. Uvidom u analitičke kartice troškova iz poslovnih knjiga, utvrđeno je da su troškovi bankarskih usluga iznosili 40,05 KM, a troškovi usluga vođenja knjigovodstva 220,00 KM.

U skladu sa odredbama člana 22. Pravilnika, stranka je bila obavezna sve troškove iskazati po vrstama troškova.

- Uvidom u Ugovor o zakupu poslovnog prostora sa pravnom licem „CITY PARK“ d.d Sarajevo², utvrđeno je da je cijena mjesečnog zakupa iznosila 280,80 KM, što na godišnjem nivou iznosi 3.369,60 KM.

U poslovnim knjigama i finansijskom izvještaju, stranka nije evidentirala, odnosno iskazala troškove zakupnine poslovnog prostora u iznosu od 3.369,60 KM, čime su i ukupni troškovi stranke kao i obaveze iskazane u manjem iznosu od ostvarenih.

- (4) Demokratska stranka Bosne i Hercegovine je godišnji finansijski izvještaj za 2019. godinu podnijela nakon zakonom propisanog roka, čime je prekršila odredbe člana 12. stav (4) Zakona o finansiranju političkih stranaka.

Demokratska stranka Bosne i Hercegovine je godišnji finansijski izvještaj za 2019. godinu elektronski putem aplikacije FI CIK BIH podnijela dana 20.05.2020. godine, te u čvrstoj kopiji dostavila Centralnoj izbornoj komisiji Bosne i Hercegovine dana 21.05.2020. godine.

5.2. PREPORUKE

Preporučuje se Demokratskoj stranci Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da vodi potpune evidencije o rashodima i obavezama, odnosno da vodi poslovne knjige u skladu sa računovodstvenim propisima i***
- ***da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom propisanom roku i popunjava na način utvrđen Pravilnikom o godišnjim finansijskim izvještajima političkih stranaka.***

² Ugovor o zakupu poslovnog prostora sa „CITY PARK“ d.d Sarajevo, zaključen 03.01.2019. godine.

KOMENTAR:

U ostavljenom roku, Demokratska stranka Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić